

EZĒRA

Sirusu Isarailinɔ gbarɛna

¹ Pesianɔ kí Sirusu kíblena wɛ̀ káaku guu Dii té kàn lɛ yā kè à dà Yɛɛmayanɛ à ò e à kɛ yānzi. Ben Sirusu kpàakpa kè a bùsun píngi, gbasa à kè takadan à bè:

² Yā kè mamɔma Sirusu, Pesianɔ kína má òn yè. Dii Luda Musudee tò anduna kpata píngi gò ma pò ũ, ben à ma diɛ mà kpé boare Yerusalemu, Yudanɔ bùsun.

³ Gbɛ̀ kè dɛ̀ à gbɛ̀ ũ a té, Luda gò kúo à tá Yerusalemu, Yudanɔ bùsun, à kpé bo Dii Isarailinɔ Luda kè dɛ̀ Dii ũ Yerusalemunɛ gwe.

⁴ Aɔ̀ gbɛ̀ kè aɔ̀ gò̀ pìnɔ̀ gbɛ̀daaanɔ̀ dɔ̀nɛ̀ kɔ̀n kɔ̀n-
dogio kɔ̀n vuraɔ̀ kɔ̀n auzikinɔ̀ kɔ̀n pókādeenɔ̀ kɔ̀n
Luda kpé kè aɔ̀ɔ̀e gaa bo Yerusalemu gbaanɔ̀.

⁵ Ben Yudanɔ̀ kɔ̀n Bɛ̀yāminɔ̀ uabɛ̀deenɔ̀ kɔ̀n
sa'orinɔ̀ kɔ̀n Levinɔ̀ kɔ̀n gbɛ̀ kè Luda té kàngunɔ̀ fɛ̀ɛ
aɔ̀ɔ̀e gaa Dii kpé bo Yerusalemu.

⁶ Aɔ̀ gbɛ̀daaanɔ̀ ɔ̀ dàríma aɔ̀ n̄ gbá kondogi pónɔ̀
kɔ̀n vura pónɔ̀ kɔ̀n auzikinɔ̀ kɔ̀n pókādeenɔ̀ kɔ̀n pò
ɔ̀deenɔ̀ kɔ̀n Dii kpé gbaanɔ̀ píngi.

⁷ Ben Pesianɔ̀ kí Sirusu b̀ kɔ̀n Dii kpé pò kè
Nɛ̀bukaneza sèɛ yā zaa Yerusalemu à kàɛ a taa kpé
guunɔ̀.

⁸ À bè a ɔ̀'uteri Mitiredanɛ̀ à pò pìnɔ̀ naro à kpá
Yudanɔ̀ kí Sesebazaa, ben à kè lɛ.

⁹ Pò pìnɔ̀ pari lén yè:
Vura taa baaakuri,
kondogi taa bɔ̀ɔ̀ do,

tapεenti baaakuri dosai,

¹⁰ vura togoo baaakuri,

kondogi togoo wàa plaa kǝn kurio,

ta bori pāndenǝ bǝrǝ do.

¹¹ Vura kǝn kondogi taanǝ fεε píngi mèn bǝrǝ sǝǝro kpé wàa plaa. Kè zǝzǝ pìnǝ bǝε Babilǝnu aǝ sù Yerusalεmu, ben Sesebaza mò kǝn pǝ pìnǝ píngi.

2

Zǝzǝ kè aǝ sùnǝ

¹ Babilǝnu kí Nebukanεza Isarailinǝ kùkù zǝzǝnǝ ũ yā à tànǝyo Babilǝnu, ben aǝ gbεkenǝ bǝ zǝzǝkεε pìn aǝ sù Yerusalεmu, Yudanǝ bùsun sa, ben n baade tà a wéte.

² Aǝ dǝn'aεdeenǝn yè: Zerubabeli, Yesua, Nεemaya, Seraya, Rεlaya, Mǝdekai, Bilisá, Misipa, Bigivai, Reumu kǝn Baanao. Isaraili gǝgbε kè aǝ sùnǝ pari lén yè.

³ Parǝsu boriinǝ gǝǝn bǝrǝ plaa kǝn mèn basǝraagǝ akuri awεεplaa.

⁴ Sefatia boriinǝ gǝǝn wàa do kǝn mèn basǝraagǝ akuri awεεplaa.

⁵ Ara boriinǝ gǝǝn wàa aagǝ kǝn mèn bakēndo sǝǝrosaio.

⁶ Pamǝabu borii kè aǝǝ dε Yesua kǝn Yoabuo boriinǝ ũunǝ gǝǝn wàa gεro dosai kǝn kuri awεεplaa.

⁷ Elamu boriinǝ gǝǝn wàa swεεdo kǝn mèn baplaa akuri awεεsiigǝ.

⁸ Zatu boriinǝ gǝǝn wàa siigǝ kǝn mèn baswεεplaa asǝǝroo.

⁹ Zakai boriinǝ gǝǝn wàa aagǝ kǝn mèn basǝraagǝ.

10 Bani boriino ḡḡon wàa aagḡ kḡn mèn baplaa awεεplaa.

11 Bebai boriino ḡḡon wàa aagḡ kḡn mèn baro awεε'aagḡo.

12 Azagada boriino ḡḡon wàa swεεdo kḡn mèn baro awεεplaa.

13 Adonikamu boriino ḡḡon wàa aagḡ kḡn mèn baaagḡ awεεswεεdo.

14 Bigivai boriino ḡḡon boro plaa kḡn mèn baplaa akuri awεεswεεdo.

15 Adini boriino ḡḡon wàa plaa kḡn mèn baplaa akuri awεεsiigḡo.

16 Ata boriino ḡḡon basḡoro plaasai.

17 Bezai boriino ḡḡon wàa do kḡn mèn baswεεdo awεε'aagḡo.

18 Yora boriino ḡḡon basḡoro akuri awεεplaa.

19 Asumu boriino ḡḡon wàa do kḡn mèn baro awεε'aagḡo.

20 Giba boriino ḡḡon basḡoro ḡḡorosai.

21 Betelεmudeeno ḡḡon baswεεdo awεε'aagḡ.

22 Netofadeeno ḡḡon baplaa akuri awεεswεεdo.

23 Anatodeeno ḡḡon baswεεdo akuri plaasai.

24 Azamavεdeeno ḡḡon baplaa awεεplaa.

25 Kiriayarimudeeno kḡn Kεfiradeeno kḡn Berodeeno ḡḡon wàa aagḡ kḡn mèn baswεεplaa awεε'aagḡo.

26 Ramadeeno kḡn Gebadeeno ḡḡon wàa aagḡ kḡn mèn baro awεεdo.

27 Mikimasadeeno ḡḡon baswεεdo awεεplaa.

28 Betelideeno kḡn Aideeno ḡḡon wàa do kḡn mèn baro awεε'aagḡo.

29 Nebodeeno ḡḡon baplaa akuri awεεplaa.

30 Magbisodeenɔ ɡɔɔn baswεεplaa akuri awεεswεεdo.

31 Elamu pānde boriinɔ ɡɔɔn wàa swεεdo kɔn mèn baplaa akuri awεεsiigɔ.

32 Arimu boriinɔ ɡɔɔn wàa do kɔn mèn baswεεdoo.

33 Lodudeenɔ kɔn Adidideenɔ kɔn Onɔdeenɔ ɡɔɔn wàa aagɔ kɔn mèn baswεεdo asɔɔroo.

34 Yεrikodeenɔ ɡɔɔn wàa do kɔn mèn baswεεplaa asɔɔroo.

35 Senadeenɔ ɡɔɔn wàa baro plaasai kɔn mèn baaakurio.

36 Sa'ori borii kè aɔ sùnɔn yè:

Yesua bori Yedaya boriinɔ ɡɔɔn wàa siigɔ kɔn mèn basɔraagɔ akuri awεε'aagɔ.

37 Ima boriinɔ ɡɔɔn bɔɔ do kɔn mèn baplaa akuri awεεplaa.

38 Pasu boriinɔ ɡɔɔn wàa swεεdo kɔn mèn baplaa awεεswεεplaa.

39 Arimu boriinɔ ɡɔɔn bɔɔ do kɔn mèn ɡεro awεεplaa.

40 Levi kè aɔ sùnɔn yè:

Odavia bori Yesua kɔn Kadamielio boriinɔ ɡɔɔn baaagɔ akuri awεεsiigɔ.

41 Asafa bori lèsirinɔ ɡɔɔn baswεεdo akuri plaasai.

42 Zédākpari kè aɔ de Salumu kɔn Atao kɔn Talamɔ kɔn Akubuo kɔn Atitao kɔn Sobaio borii ũunɔ ɡɔɔn baswεεplaa dosai.

43 Ƴbɛ kènɔ boriinɔ bé Luda ua zīkerinɔ ũ:

Zia, Asufa, Tabao,

44 Kerosu, Sia, Padɔ,

45 Lebana, Agabu, Akubu,

46 Agabu, Salamai, Anana,

47 Gideli, Gaa, Raya,

48 Rezī, Nēkoda, Gazamu,

49 Uza, Pasea, Besai,

50 Asana, Mēunimu, Nēfusimu,

51 Bakabuku, Akufa, Aru,

52 Bazalu, Mēida, Asa,

53 Bakosi, Sisera, Tema,

54 Nēzia kōn Atifao.

55 Sulemanu zòbleri kēnɔ boriinɔ bé wà bò zìzòkēn wà sù:

Sotai, Asofere, Peruda,

56 Yaala, Dakō, Gideli,

57 Sefatia, Atili, Pòkere Azebaimu kōn Amio.

58 Luda ua zīkeri pìnɔ kōn Sulemanu zòbleri borii pìnɔ kà gōn wàa do kōn mèn bakēndo akuri awēplaa.

59 Gbēkenɔ bò Telēmela kōn Telasao kōn Kerubuo kōn Adōo kōn Ima o, ben aōe e wà n bori bōzia ònne kè Isarailinɔn n ũro.

60 Delaya kōn Tobiao kōn Nēkodao boriinɔme, aō kà gōn wàa aagō kōn mèn baplaa akuri awēplaa.

61 Sa'ori borii kè aō de Obaya kōn Akozuo kōn Bazilaio boriinɔ ũu sù dɔ. Bazilai pì Giliada bùsu gbē Bazilai né sè yā, ben à a anzure pì tó sè.

62 Gbē pìnɔ n tó wète bori bōzia takadan, mɔde aōe bɔaro, ben wà gínne sa'orikēo.

63 Bùsu dɔn'aedee bènnē, tó èe ke sa'ori n yā gwà kōn Urimuo kōn Tumimuo baasiro, aōton sa'opɔ blero.

64 Gbē pìnɔ n píngi gōn bɔrɔ baplaa awēplaa kpé wàa do kōn basɔraagōme.

65 Aō zòbleri gōgbēnɔ kōn nɔgbēnɔ kuu dɔ gōn bɔrɔ swēplaa kpé wàa do kōn baswēdo akuri

aweeswεεplaaο. Lèsirino gōgbē kōn nōgbēο kúnyo dō gōon wàa do.

⁶⁶ Aō sō vī mèn wàa aagō kōn baswεedo akuri aweeswεedoο, bāagāsō mèn wàa do kōn baplaa asōoroο,

⁶⁷ lakumi wàa plaa kōn baplaa sōrosaiο, zaaki bōro swεedo kpé wàa aagō kōn baswεedoο.

⁶⁸ Kè aō kà Dii kpé bokii Yerusalemu, aō uabedeeno gba dàda le wà e wà Luda kpé kekε wà boo a gbèn.

⁶⁹ Aō gba dà kpé zī oodakii guu n gbāa lén, vura kiloo wàa plaa kpé basōoro, kondogi tōn aagō kōn sa'ori gyabano basōoro.

⁷⁰ Sa'orino kōn Levino kōn lèsirino kōn zédākparino kōn Luda ua zīkerino kōn gbē kpaa keno vēevēε lakutu kè wà kèkēneno guu, ben Isaraili kpaano vēε n wéteno guu.

3

Dii gbāgbāki bona

¹ Kè wè mō swεεplaadee kà, Isarailino vēena n wéteno guu, ben aō kō kākōa Yerusalemu gbē dōnkō ũ.

² Yozadaka né Yesua kōn a sa'ori daano kōn Sealatieli né Zerubabelio kōn a gbēno Isarailino Luda gbāgbākii bō, le wà sa'opo kè wè ká tén à té kū oa lán Luda gbē Musa ò a doka guu nà.

³ Baa kè aōe vīa kekε gbē kè aō kú bùsu pì guunone, aō gbāgbākii pì bō a gbèmmε, ben aō sa'opo kè wè ká tén à té kū ò Diia kōngō kōn uusieo.

⁴ Aō Kutadōna zībaa kè lán à kú takada guu nà, aōègō sa'opo kè wè ká tén à té kū oo lán guu e dō nà lán wà à lé diε nà.

⁵ Beee gbera aɔ sa'opo kɛ wɛgɔ ká tén à té kũ gurɔ pínɡi ò kɔn mo dufu pɔo kɔn zĩbaa kɛ Dii diɛno pɔo kɔn gbaa kɛ wɛ mɔnono.

⁶ Mo swɛɛplaade gurɔ káaku zĩn aɔ nà Dii gbāgbānaa ɛ, baa kɛ wɛ à kpé bo kòro.

⁷ Aɔ ɔ kpà gbè'arinɔ kɔn lí'arinɔ, ben aɔ pɔble kɔn íminao kɔn nɔsio kpà Sidɔdeenɔ kɔn Tayadeenɔ, ɛ aɔ sida lí zɔzɔ Lɛbanɔ bũsun aɔ yiyi wà gáo ai Yɔpa funa ísiaala, lán Pesianɔ kína Sirusu n gbá zé nà.

⁸ Aɔ kana Luda kpé bokiiia Yerusalemu wɛ plaade mo plaadee guu, Sealatieli né Zerubabeli kɔn Yozadaka né Yesuao nà zĩia kɔn n gbɛ kpaanɔ, sa'orinɔ kɔn Levinɔ kɔn gbɛ kɛ aɔ bò zĩzɔkɛɛn wà sù Yerusalemunɔ n pínɡi. Aɔ Levi kɛ aɔ kà wɛ baro ke aɔ deàlaanɔ diɛ Dii kpé zĩ pì gbɛnsinɔ ũ.

⁹ Yesua kɔn a boriinɔ nàkɔa kɔn Kadamielio kɔn à né Odavia boriinɔ, ben aɔ gɔ zĩ pì gbɛnsinɔ ũ kɔn Enadadao kɔn à boriinɔ. Levinɔmɛ n pínɡi.

¹⁰ Kɛ Dii kpéborinɔ e kpé pì ɛɛ daɛɛ, sa'orinɔ zɛzɛ gwe sa'ori pókásāanɔ dadana, aɔ n kuunɔ kũkũna, bensɔ Levi né Asafa boriinɔ kú gwe do kɔn sɛgɛnɔ ɛ wà Dii táaki léo, lán Isarailinɔ kí Dauda diɛ yā nà.

¹¹ Aɔ lè sɔ aɔ Dii táaki lè aɔ à sáabu kpà wà bè:

Dii maa,

à gbɛkɛɛ kɛna wa Isarailinɔnɛ yāana vĩro.

Ben baade pínɡi wii gbāaa lè aɔ Dii táaki lè, kɛ wà Dii kpé ɛɛ daɛ yānzi.

¹² Mɔde sa'ori parideenɔ kɔn Levinɔ kɔn bedee kɛ aɔ zi kũ aɔ wɛɛ sɔ kpé káakulenɔ, kɛ aɔ kpé pì ɛbona è, aɔ sósobi ɔ do. Gbɛ parideenɔ sɔ, aɔɔe pɔnna wii ɛɛ.

13 Gbēkee e pɔnna wiiri dōkōzi kōn sósobi ó kè wèe dɔɔɔ dɔro, kè baade e wii gbāaa lɛɛ yānzi, bensō wà wisōɔ pì mà zǎ.

4

Íbetekpana kōn Dii kpéborinɔ

1 Kè Yudanɔ kōn Beyāminɔ ibeɛnɔ mà zǐzɔ kè aō sùnɔɔ e kpé boo Dii Isarailinɔ Ludanɛ,

2 aō mò wà Zerubabeli kōn uabedeɛnɔ lè aō bèñne: À tó wà kpé boao, zaake weè a Luda kii wetɛ lán a bàme se. Weègɔ à gbāgbāame zaa gurɔɔ kè Asirianɔ kí Esaradɔ sùwao kè.

3 Ben Zerubabeli kōn Yesuao kōn Isaraili beɛde kpaaanɔ bèñne: Wa Luda kpé bona de a yā ũro. Wé wa pó bo Dii Isarailinɔ Ludanɛ watɛɛ lán Pesianɔ kí Sirusu diewe nà.

4 Ben būsɔ pì deenɔ e wetɛɛ aō Yudanɔ nòse yaka, aōɔe wée tām̃ma le aōton kpé pì boro yānzi.

5 Aō fīa bò kína lédammarinɔne zaa Sirusu gurɔɔ ai à gàa pé Pesianɔ kí Dariusu kíblegurɔɔa, ben aō gínne kōn yā kè aōɔe pɛɛao.

6 Aō takada kè Asuerunɛ à kíblenao gǔɔ, aō gbē kè aō kú Yerusalemunɔ kōn Yudanɔ būsuo píngi káara kpà à kiia.

7 Bisilamu kōn Mitiredao kōn Tabelio kōn ní gbē kpaaanɔ takada kè Pesianɔ kí Atasesenɛ dɔ à kíblegurɔɔa. Aō kènɛ kōn Siria yāo, ben wà bòkōtenɛ.

8 Būsɔ gbēnsi Reumu kōn a takadakēri Simisaio takada kè kí Atasesenɛ Yerusalemu yā musu dɔ wà bè:

9 Būsɔ gbēnsi Reumu kōn a takadakēri Simisaio kōn ní gbē kpaa yākpækɛrinɔ kōn gbāadeɛnɔ kōn

Tiripɔlideenɔ kɔn Pesianɔ kɔn Erekiideenɔ kɔn Babilɔnudeenɔ kɔn Susadee kɛ aɔ bɛ Elamu bɛsu guunɔ

¹⁰ kɔn gbɛ kɛ kina bita bɛede Asubanipali n bɛe n bɛsun a n vɛvɛε Samaria wɛten kɔn Yuflati baa kɛ kpa gu pandenɔ,

¹¹ wamɔwa Yuflati baakekpadeenɔ n zɔblerinɔ bɛ wà takada kɛ kɛnne, kí Atasεε, wa bɛ:

¹² Kí, ñgɔ dɔ kɛ Yuda kɛ aɔ bɛ n kiia aɔ sù kɛnɔ gaa wɛe Yerusalemu wɛte zaa pãsi pì kaεε, aɔ èara wɛe à bii boo dɔ, aɔɔe à bezĩ fεεε.

¹³ Kí, ñgɔ dɔ dɔ, tó aɔ èara wà wɛte pì kàε aɔ à bii bò wà yãa, aɔé tángba kpámma dɔro ke yàra'ɔɔ ke bɛsu'ɔɔ, n ɔɔ kɛ neé sí é lago.

¹⁴ Tia lán kɛ bà kí, lán n bɛ wisin weè ble nà, èe kɔ sío wà n kpεε ero. Beee yãzin wa takada kɛkii kpãsannezi le wà yã pì onne.

¹⁵ Ñ wete n dezinɔ takadanɔ guu n gwa, né e n dɔ dia wɛte pì deenɔ swã gbãa, aɔ ãa dà kinanɔa kɔn bɛsu gbãadeenɔ. Zaa zi wɛte pì deenɔ yãkete kɛ bita. Beee yãzin wà wɛte pì gbòrozi.

¹⁶ Kí, wée oonne, tó wà èara wà wɛte pì fɛe wà èara wà à bii bò wà yãa, négɔ póke vī Yuflati baa kɛ kpa dɔro.

¹⁷ Beee gbera kina takada kpãsañne à bɛ: Bɛsu gbɛnsi Reumu kɔn à takadakɛri Simisaio kɔn a gbɛ kpaana kɛ aɔ kú Samaria kɔn Yuflati baa kãa kpaanɔ, ma ì kpàawa.

¹⁸ Takada kɛ á kpãsañne, wà à kyó kɛ wà bòkɔtεε.

¹⁹ Ma bɛ wà wete takada ziinɔ guu, ben wà è yãpurame, wɛte pì deenɔ ègɔ bɔɔ kinanɔ kpεεε.

Zaa zi yāketedeenɔmɛ.

²⁰ Kína ìsinɔ kpata blè Yerusalemu gwe, aɔ gbāaa blè Yuflati baakaakpadeenɔa ń píngi, wà tángba kpàámma kɔn yàra'ɔɔɔ kɔn bùsu'ɔɔɔ.

²¹ À yā diɛ gbɛ pìnɔnɛ aɔ kámma bo sa. Aɔton ɛara wà wéte pì vuro ai mà ń gba lé.

²² À làakari ke! Àton nigāzīi kpá yā pìziro, le à zaaa pì tón ɔ tá à wa ásarú kero yānzi.

²³ Kè wà kí Atasese lá pì kyó kè wà bókɔte Reumunɛ kɔn à takadakēri Simisaio kɔn ń gbɛ kpaaanɔ, ben aɔ fɛɛ wà gāa wà Yudanɔ lè Yerusalemu gɔɔ. Aɔ gínne pāsīpāsī wà bè aɔ kámma bo.

²⁴ Len aɔ kámma bò le kɔn Luda kpé zīi kè aɔɔe keɛ Yerusalemuo ai Pesianɔ kí Dariusu kíblena wè plaadee guu.

5

Tatenai takadakēna kí Dariusunɛ

¹ Annabi Agai kɔn annabi Zakari, Ido néo annabikɛɛ kè Yuda kè aɔɔ kú Yerusalemunɔ kɔn Yudanɔ bùsuo kɔn Isarailinɔ Luda tɔo.

² Ben Sealatieli né Zerubabeli kɔn Yozadaka né Yesuao fɛɛ wà nà Luda kpé bonaa Yerusalemu. Luda annabi pìnɔɔ kúnɔyo aɔɔe dɔɔńle.

³ Gwe gɔɔ Yuflati baa kè kpa dɔn'aɛde Tatenai kɔn Seta Bozenaio kɔn ń gbɛnɔ m̀ wà ń lé aɔ ń lá wà bè: Dé bé à a gba zé à kpé kè keke à boo?

⁴ Aɔ gbɛ kè aɔɔe kpé pì boonɔ tó gbèka dɔ.

⁵ M̀ode Ludaa e wéɛ té Yuda gbɛnsi pìnɔzi, ben aɔɔe ońne aɔ kámma boro. Aɔ bè weé lékpāsā ke Dariusunɛ gīa, weé takada kè eé kē à yā musu e.

⁶ Yuflati baa kè kpa dɔn'aede Tatenai kɔn Seta Bozenaio kɔn n gbɛ Pesianɔ takada kè, ben aɔ kpàsā kí Dariusunɛ.

⁷ Lékpàsā kè aɔ kènɛn yè, aɔ bè:

Kí Dariusu, wa ì kpàmma maamaa.

⁸ Kí, ògɔ dɔ kè wa gaa Yudanɔ busun ai Luda kè bíta kpén. Wèè kpé pì boo kɔn gbè gbèntɛnɔ wèè lí lèetɛɛ kpaeɛ kpé pì gùnɔn. Wèè zīi pì keɛ kɔn làakario èè táa oo.

⁹ Wa yā làla n gbɛnsinɔ wa bè: Dé bé à a gba zé à kpé kèkii kèkè à boo?

¹⁰ Wa n tɔ gbèka lɛ wà e wà onne, ben wa n dɔn'aedee pìnɔ tó dà takadan.

¹¹ Dia aɔ yā siwala nà n yè. Aɔ bè, musu kɔn tɔtɛo Luda zɔblerinɔn n ũ. Kpé kè wà bò yā à wè kèn wà kèkè wèè boo dɔ. Isarailinɔ kí bíta bé à bò yā.

¹² Aɔ bè n dezinɔ Luda Musude pɔ fɛ, ben à n ná Kaladia bori Nɛbukaneza, Babilɔnu kɔnanɛ a ɔzī, ben à kpé pì wìwi à gbɛ pìnɔ sèè à tànyo Babilɔnu.

¹³ Mɔde Babilɔnu kí Sirusu kíblena wè káaku guu à yā diè à bè wà ɛara wà Luda kpé pì bo dɔ.

¹⁴ Baa vura kɔn kondogi pɔ kè Nɛbukaneza sèè Luda kpén zaa Yerusalemu à kàe a tãa kpén Babilɔnunɔ, kí Sirusu bɔe à kpà Sesebaza kè à diè busun dɔn'aedee ũua.

¹⁵ À bène à pɔ pìnɔ sé à gá à kàe Luda kpén zaa Yerusalemu, tó wà kpé pì kèkè wà bò.

¹⁶ Ben Sesebaza mò Luda kpé ɛɛ dàɛ. Wèè kpé pì boo zaa guru beea ai kɔn a gbàao, mɔde èè yāa kòro.

¹⁷ Kí, tó à kènne maa, n takada wɛɛ kɔnanɔ takadakaekiia zaa Babilɔnu n gwa tó kí Sirusu yā

dìe wà Luda kpé bo Yerusalemu. Lán ní è nà, ò lèkpāsā kewe.

6

Dariusu yādiēna Luda kpé bona yā musu

¹ Kí Dariusu yā dìe, ben wà takada wète takada kè wà kàe Babilōnu takadakaekiiano tē.

² Ben wà bò takada kokonaa Ekebatana wéte bīideen Midiā būsun. Yā kèkii kú à guu le wàton sǎńlo yānzi:

³ Kí Sirusu kíblena wè káaku guu à yā dìe Luda kpé kè kuu Yerusalemu musu, à bè wà kpé pì bo sa'okii ũ. Wà à ēe dae, kpé pì lezī ká gāsāsuu baaagō, à yàasa gāsāsuu baaagō.

⁴ Wàgae gbè gbèntē mèn aagō didikōa, lí lèetēge mèn do, gbè gbèntē aagō, lí lèetēge mèn do. Weé à fīa bo kōn kibe ooo.

⁵ Vura kōn kondogi pó kè Nebukanēza sèe Luda kpén Yerusalemu à sùo Babilōnunō sō, weé era wà gá káe à gbèn Luda kpén Yerusalemu.

⁶ Ben kí Dariusu lèkpāsā kè à bè: Tia sa Yuflati baa kǎa dōn'aede Tatenai kōn Seta Bozenaio kōn a gbē kè aō kú Yuflati baa gweenō, à a zīnda gá gwe.

⁷ À Luda kpé bōrinō tó tēēē. À tó Yuda dōn'aedeēnō kōn ní gbēnsinō Luda kpé pì kēke wà bo.

⁸ Mée yā kè àton ke Yuda gbēnsinōne Luda kpé pì bona musu diēēare. À pó kè aō yezinō sée ma auzikikaekiin gwe kōn Yuflati baa kǎa kpa tángba kè wà kpào, à kpáríma píngi le zīi pì tón ze doro yānzi.

⁹ Pó kè aō yezi píngi, zùswaree, sǎkaro, sǎne bōrō kè aē Luda Musude gbāgbāo, pówēē, wisi,

geepiwēε, nōsi, àgō kpaa Yerusalemu sa'orinɔ lán guu e dɔɔ nà lán aɔɔ gbèka nà funa sai,

¹⁰ Iε aō e wà saa kè kà Luda Musuden oa, aō wéε keame kōn ma négōgbēnɔ.

¹¹ Tó gbēke yā kè má diε kèkii liε, weé adee kpé lí wo wà à páa wà péε wà à bεε ke tuburaa ũ.

¹² Tó kína ke bori kee e wεtεε à yā pì liε ke èε wεtεε à Luda kpé kè kú Yerusalemu pì wí, Luda kè tò a tó kúa à kaate. Mamɔma Dariusu mámbε ma yā pì diε. Wà zīi kea maamaa.

Luda kpé kyakena

¹³ Kè kí Dariusu lékpāsā pì kè Iε, Yuflati baa kè kpa dɔn'aεde Tatenai kōn Seta Bozenaio kōn ń gbēnɔ yā pì kè kōn làakario.

¹⁴ Ben Yuda gbēnsinɔ kpébona e gaa aε lán annabi Agai kōn annabi Zakari Ido néo annabikεε kè nà. Aō kpé pì dò wà yāa lán Isarailinɔ Ludaa ò nà, lán Pesianɔ kínanɔ Sirusu kōn Dariusuo kōn Atasεεo à yā diε nà.

¹⁵ Aō Luda kpé mì dè Ada gurɔ aagōdee zī kí Dariusu kíblena wè swεεdodee guu.

¹⁶ Ben Isarailinɔ Luda kpé kyakè kōn pɔnnaao, sa'orinɔ kōn Levinɔ kōn gbē kpaaa kè aō sù kōn zìzɔkεεonɔ ń píngi.

¹⁷ Luda kpé kyakena pì yānzi aō saa ò kōn zùswareenɔ mèn basɔɔro kōn sákaronɔ mèn wàa do kōn sāne bòrɔnɔ mèn wàa plaa, ben aō saa ò kōn blèkofinɔ mèn kuri awεεplaa Isaraili bori pari lén aō píngi durun agbaakpabɔ ũ.

¹⁸ Aō sa'orinɔ diēdiε gāli kōn gālio, ben aō Levinɔ diēdiε gāli kōn gālio dɔ Iε aō zīi ke Ludane Yerusalemu lán à kú Musa takada guu nà.

19 Mɔ káaku gurɔ kuri awɛɛsiigɔdee zĩ, zĩzɔ kè aɔ sù pìnɔ Banla zĩbaa kè.

20 Sa'orinɔ kɔn Levinɔ gbásĩ bò n̄ zĩndan aɔ gɔ gbásĩ sai n̄ pínɡi, ben aɔ Banla sã kòto kpàkpa zĩzɔ kè aɔ sùnɔnɛ kɔn n̄ sa'ori daanɔ pɔo kɔn n̄ zĩnda pɔo.

21 Isaraili zĩzɔ kè aɔ sù pìnɔ bé wà sò kɔn gbě kè aɔ n̄ zĩnda kè bori pāndenɔ yābēekenanɔa aɔɔe Dii Isarailinɔ Luda kii wɛɛɛnɔ.

22 Ben aɔ Burɛdi Sése'ēzēsai zĩbaa kè kɔn pɔnnaao ai gurɔ swɛɛplaa. Dii tò aɔ pɔɔ kè nna, zaake à tò Asirianɔ kína n̄ɔse liɛ n̄ yā musu, ben à dònle à kpé bona zĩ guu, Isarailinɔ Luda pì.

7

Ezera su à Yerusalemu sorukena

1-5 Yā beeenɔ gbɛra Pesianɔ kí Atasɛɛ kiblegurɔɔa Ezera bò Babilɔnu à sù. Sa'oriki isi Aruna bé à Elɛaza ì, Elɛaza Finɛasi ì, Finɛasi Abisua ì, Abisua Buki ì, Buki Uzi ì, Uzi Zeraya ì, Zeraya Mɛrayo ì, Mɛrayo Azaria ì, Azaria Amaria ì, Amaria Aitubu ì, Aitubu Zadɔki ì, Zadɔki Salumu ì, Salumu Ilikia ì, Ilikia Azaria ì, Azaria Seraya ì, ben Seraya Ezera pì ì.

6 Ezera né yādannerime, à Musa doka kè Dii Isarailinɔ Ludaa diɛ dɔ sānsān. Lán Dii à Luda ɔɔ kúa nà, kína pɔ kè à wéɛ kèa kpaa pínɡi.

7 Kí Atasɛɛ kiblena wè swɛɛplaadee guu Isaraili kenɔ sù Yerusalemu dɔ. Sa'orinɔ kú n̄ tɛ kɔn Levinɔ kɔn lèsirinɔ kɔn zédákparinɔ kɔn Luda ua zĩkerinɔ.

8 Ezera kà Yerusalemu kína kiblena wè swɛɛplaade mɔ sɔɔrodee guu.

9 À fɛɛ Babilɔnu mɔ káaku gurɔ káaku zĩ, ben à kà Yerusalemu mɔ sɔɔro gurɔ káaku zĩ. À Luda ɔɔ kúa,

10 zaake Ezera mè kpà Dii doka wàaripanaa kǝn à kɛnao, lɛ à e à à yǎdiɛnanaǝ kǝn à dokayǎnaǝ dada Isarailinaǝ.

Takada kè kí Atasɛɛ kpà Ezeraa

11 Takada kè kí Atasɛɛ kpà sa'ori Ezeraa yǎn yè, kè è Dii yǎdiɛnanaǝ kǝn à dokayǎnaǝ da Isarailinaǝ.

12 Atasɛɛ, kɛnanaǝ kí bé à takada kèkii kè Luda Musude dokadannɛri sa'ori Ezeraɛ. Ma ì kpàmma.

13 Ma yǎ diɛ, ma bè Isaraili ke sa'ori ke Levi kè kú ma bùsun kè yezi à gányo Yerusalemu gá.

14 Mapi kǝn ma ìba gǝna swɛɛplaaanaǝ bé wa n gbarɛ, lɛ ñ gá Yerusalemu kǝn Yudanaǝ bùsuo píngi yǎ gwagwa n Luda doka kè ñ kúna musu.

15 Ñ kondogi kǝn vura kè mapi kǝn ma ìbanaǝ wa Isarailinaǝ Luda kè à bɛɛ kú Yerusalemu gbà sɛɛ ñ gáo

16 kǝn kondogio kǝn vura kè ñ è Babilonaǝ bùsun-o píngi kǝn pǝ kè gbɛnaǝ kǝn sa'orinaǝ kpà ñ Luda kpé pǝ ù Yerusalemu.

17 Ñ zùswareenaǝ kǝn sákaronaǝ kǝn sǎɛ bǝrɛnaǝ lúlu kǝn ɔ pìo n làakaria ñ saa kè oo n Luda kpé gbágbákiiia zaa Yerusalemu kǝn flawa gbao kǝn pómína gbao.

18 Mpi kǝn n gbɛnaǝ à ke kǝn kondogio kǝn vura kè gǝo lán à kèare maa nà, lán a Ludaa yezi nà.

19 Ñ pǝ kè wà nanna n ɔzǐ n Luda kpé dɔnzikɛbaǝ ùnaǝ kpá Luda kè kú Yerusalemu pía.

20 Tó ñ ye Luda kpé pǝ kpaaanaɔzi, tó à kɛkɛna gǝ n yǎ ùmɛ, ñ sɛ ma làasin gwe.

21 Ma kí Atasese, ma yā diē Yuflati baa kãa kpa ɔ'uterinɔne ń píngi. À wéekεε kè Luda Musude dokadanneri sa'ori Ezera kèawa kpáa gɔɔ píngi.

22 Kondogi tón de tɔn aagɔɔlaro. Pówεε tón de tɔn baaakurilaro. Geepiwē kɔn nɔsio tón de lita wàa basɔɔɔrolaro. Wisi sɔ, lán à yezi nà lén.

23 Lán Luda Musudee diē píngi nà, à kpá gɔɔ à kpé pɔ ũ, le àton pētē ke kɔn ma kíkeεo ke kɔn ma nénɔoro.

24 Agɔ dɔ sɔ kè á zé vī à tángba ke yàra'ɔɔ ke be'ɔɔ sí Luda ua pì zīkerinɔaro ke sa'orinɔ ke Levinɔ ke lèsirinɔ ke zédãkparinɔ ke zīkeri pãndenɔ.

25 Mpi sɔ Ezera, n̄ yãkpækεerinɔ kɔn yãgɔgɔrinɔ diēdiē òndɔɔ kè n Ludaa kpamma lén, le aɔgae yā keke a zéa gbē kè aɔ kú Yuflati baa kãa kpaanɔne ń píngi. Aɔégɔ de gbē kè aɔ n Luda doka dɔɔnɔ ũ. Gbē kè aɔ dɔroonɔ sɔ, n̄ dadañε.

26 Gbē kè n Luda doka kɔn b̄usu dokao k̄una ɔplaplaaro, weé yā daàla, à dena ke à b̄ona b̄usun ke à auziki sinaa ke à dana kpésiaann yoo.

27 Ben Ezera bè: Wà Dii wa dezinɔ Luda sáabu kpá! À laasuu maaa dà kínanε a swēn, ben kína pì gbãaa kpà à kpé kè kú Yerusalemua le.

28 À tò ma yā kà kína kɔn a ìbanɔn kɔn à kí gbãade daanɔ ń píngi. Lán Dii ma Luda ɔ kúma nà, ma kù kè gbãa, ben ma Isaraili dɔn'aεdeenɔ kàkɔa aɔ gámao.

Luda yá takada kǝn Bokobaru yáó
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 18 Apr 2025 from source files dated 31 Aug 2023

c31548a1-5316-53c2-be42-674e0e4c5ae5